





第八八〇冊

四庫全書

●上海古籍出版社

本冊目次

說

郭(五)

明陶宗儀編……………一

第八〇冊

欽定四庫全書

子部
說郭卷七十一

詳校官庶吉士陳若雲

員外郎牛裕文覆勘

總校官編修臣倉聖脉

校對官檢討臣蕭九成

滕錄監生臣張昱

欽定四庫全書

說郭卷七十一

元 陶宗儀 撰

畫簾緒論 胡大初

盡已篇第一

涖官之要曰廉與勤不特縣令應爾也然縣有一州之體而視民最親故廉勤一毫或虧其害於政也甚烈且人孰不知廉吾分內事也物交勢迫浸不自由素貧賤者有妻子啼號之號素富貴者有口體養養之需喜聲

欽定四庫全書

說郭卷七十一

舉則飾厨傳以娛賓務結托則厚苞苴以通好又其甚者婦男嫁女囊帛匱金皆此焉是資雖欲廉得乎貪黷亡恥之人固不暇恤稍有畏清議者亦不過曰吾上不竊取於公帑下不妄取於民財足矣收買飲食素有官價吾行之奚愧供需賓客例數吏貼吾循之奚忤不知以官價買民物民貧其何以堪而責吏供需他日吏以曲法受賂敗令責之得無愧辭乎故其要莫若崇儉苟能儉則買物不必仗官價以求多也燕賓不必料吏財以

取樂也苞苴不必講厨傳不必豐也涇官之日無異處家之時而用官之財不啻如用己之財斯可矣又孰不知勤吾職分之當然也聰明有限事機無窮竭一人之精神以扼衆人之姦詭已非易事況有愚暗庸庸者一切聽可否於吏手苟且取具者率多黠智能於不用甚則銜杯酒吹竹彈絲圖享宦游之樂遂致獄訟經年而不決是非易位而不知詞訴愈多事機愈夥卒不免於司敗之見詰縱有銳意自強者幾何人哉自其醜應

日繁心力日耗方虞稅駕息肩之無其所何幸吏牘已

備俛首涉筆終亦歸於苟道而已故其要莫若清心心既清則雞鳴聽政所謂一日之事在寅也家務盡屏所謂公爾忘私也勿以酒色自困勿以荒樂自戕也今日有某事當決某牒當報某賦某色當辦禁繫某人當釋時時察之汲汲行之毋謂姑俟來日則事無不理而此心亦寧矣吁此廉勤之大略也他猶有可言也心不可不平平心則物情無往不燭怒不可或遷遷怒則吏民將

受其枉其令必簡其政必和非時營繕所合力慙託辭科輸所當痛革子弟門客勿令與外人吏輩交接或恐有往來結托之嫌則禍起蕭牆若何拯療吏民婦女勿令其出入織紵貿易或恐有交通關節之謗則事干閭閻未易施行勿帶醫術或有干請難以相從勿置親隨處之内外皆所不便在己者既已曲盡則何施不可何事不公何盤根錯節之足慮哉故愚以盡已冠之篇首云

臨民篇第二

令為民父母以慈愛為車以明斷為軌而行之以公恕斯得矣今之為令者知有財賦耳知有簿書期會耳獄訟一事已不皇悉盡其心撫字云乎哉教化云乎哉昔陽城自署曰催科政拙撫字心勞考下下陽城已矣誰肯甘心下考而竭其撫字之誠者不知九重以赤子授之令固望其字吾民也而可孤所寄乎故令視事之初其先務有四曰崇學校夫士者民之望也鄉校者議政

欽定四庫全書

說部
卷七十一

四

之地也諸學莫謁之餘便當延見矜佩假之以辭色將之以禮意詢風俗之利病語政事之得失廉儼必豐課試必謹其端厚俊秀者獎異之其詞訟蔓及者覆護之其凌辱衣冠者懲治之則士悅而知慕矣曰獎孝弟人情敬其父兄則子弟悅故當首延父老以寓敬愛之意然後博詢鄉曲其有孝友著聞行義卓異者必屈已求見必置酒登延護其門閭寬其力役使邑人靡然知儆或有兄弟訟財親族互訴者必曲加諷諭以啓其愧恥

欽定四庫全書

說部
卷七十一

四

之心以弭其爭爭之習聽其和允勿事研窮則民俗歸厚矣曰勸農桑令以勸農繫銜朝廷以勸農著令非不勤至今也不然歲二月望為文數行率同寮出近郊集父老讀之飲食鮮少甚至折錢事畢即自攜酒肴妓女宴賞竟夕實意安在哉令到官之始不必姑俟來春便當以農桑衣食之本諄諄然喻之而所以妨害病擾之者必懲必戒則民斯咸安其業矣曰略勢分令為近民之官而今也民視令不啻如天之遠如神明之可畏銜寬

欽定四庫全書

說部
卷七十一

五

茹苦無由得入令尹之門幸而獲至其前則吏卒禁訶管朴交錯畏懦者已神銷氣沮矣故欲通下情莫若大啓門庭屏去吏卒躬自呼之几席之前康色詰問以盡其所欲言其壅蔽不得達者則設鐮縣門之外俾自扣擊如是則民情無有不獲自盡者矣行斯四者他如賑恤之不可不時追逮之不可或濫毋事橫飲毋事酷刑非甚不便於民不必好為更革非甚宜益於民不必輕為興舉其餘節目皆當次第而廣充之雖然愛民之要尤先於使民遠罪夫民之麗刑豈皆頑而好犯哉愚蒙亡知故抵冒而不自覺令宜以其條律之大者榜之牆壁明白戒曉曰某事犯某法得某罪使之自為趨避其或有犯到官哀矜而體察之照法所行與殺一等亦忠厚之德也若悉欲盡法施行則必流於酷矣昔卓茂為密令諭其民曰我以禮教汝汝必無怨惡以律治汝汝何所措其手足乎吁此仁人之言也凡為令者宜寓一通寔之座石

事上篇第三

令領一邑太守察之諸監司察之所以防汙虐戒曠敗也公正有飭廉謹自將固令所當持循職事攸關尤合加察轉漕司惟財賦耳縣道賦入自有定數率是輸之郡家本自無甚干涉其他戶婚詞訴吾惟決之以公奚懼焉常平茶鹽司惟廩役與鹽課爾不產鹽不繫銜處於鹽無預若齊民之差役公吏之叙役與夫常平義倉之聚散吾無偏私無侵移又奚懼焉惟提點刑獄司則欽定四庫全書

說部
卷七十一上

六

視諸司為獨重何則刑獄民命所關苟有過誤嚴咎匪輕殺傷多委同官驗視安知其無或疎鹵乎罪囚淹禁動經歲月安保其無或疾病乎結解公事惟憑供款又安信其果無翻異乎有一子茲便罹憲網故惟在我者無往不謹不審而又得部使者察其忠實寬其鞭驅庶乎可以免嚴咎也其次本州則視憲司為尤重何則州縣一家也令之視守猶子弟之於父兄也情苟不通事無可集若財賦若獄訟若日生事務無一不與相關而

縣之最被害者莫若不時專人每專人一來陵蔑名分擒拏吏貼大者數百十小者百餘千方得其去又其次二稅專差吏拘催酒稅專差吏監督日食之供需公事之懇告令無不聽命惟謹甚而擅興威福轄養娼妓需覓罷用哀取財物無所不有令謁郡之始便當明稟使君某職事不敢不勉而縣家苟有不逮亦乞加體恤之仁乃乞給紫袋歷二道絡繹往來彼此咸御名書之庶幾事情無有不達而文移之督促可省也如經兩月事欽定四庫全書

說部
卷七十一上

七

不辦集然後甘受專人之擾慢令之罰若茶稅虧日額酒稅虧月額者率十之四五却乞遣吏監督不然告寬總勤容竭其長夫州家亦欲集事爾差專人差公吏豈其得已今若恃其相容遂至弛急公事不集財賦不登亦奚咎夫郡之督促哉雖然奉法循理盡瘁效職監司郡守之難事猶可也惟是臺幘郡僚或捧檄徑從或移書請託賓餞稍有不至奉承稍有不虔賢明仁厚之人固能推誠相亮否則情好易睽間隙易啟始於職事相

關之際捃捥橫生甚而使長會聚之時譏謔肆入蓋有陰中其毒而獲戾者多矣故今之待臺幕郡僚者寧過於勤毋失之急寧過於恭毋失之簡寧過於委曲毋失之率意而徑行此亦可以杜元妄之災矣

僚案篇第四

縣之有僚案兄弟等也兄弟有閭牆之釁則家用不和何以幹蠱而禦侮哉縣僚本無慢長官之心而每有與令不相能者非他也令挾長以臨僚案僚案復睚眦不相

欽定四庫全書

縣志卷之十一

八

相下勢必至於睚且忌不和縣無州郡黜陟之權合輒而馳同舟而濟令苟怡怡相與執不竭力以佐令乎然相得每難而相失每易公事分委佐廳任之書判或意見偶異或請托所牽未能與令意合令輒自行改判或牒請再擬則其情易以相失執若平心量酌其是否過廳面議使之欣然寬易而無怨心乎佐廳吏人有過令遞呼上杖之于庭縣吏或有咆哮佐官亦復自行鞭撻遂致彼此猜忌因成讐隙則其情易以相失執若致委曲於

其本官令其自行決遣使之赧然愧服而無怨心乎丞

簿而下俸入極微曾不足以養廉而令輒拖壓累月令雖不明支已俸却或於官錢移易貸用其何以得同僚之心故同僚俸給須當按月支送或一時匱乏則明以相告令亦不當先支已俸及有移貸之私收支簿歷使之通知可也如是則又執不悟然相體能與縣家同休戚乎令始至之日必延見僚案歷述弊端相恤無華肝膽相照職事閭係彼此明言毋懷忍以含怒廳吏問謀

欽定四庫全書

縣志卷之十一

九

彼此斥絕毋嗜聽以相猜心同一人事同一體則政和而民受其福矣豈惟民之幸亦令之幸也雖然同官皆忠良之士固自悉無可慮彼有沈鷺狼戾者或狹才以相陵或侵權以相撓或陰譎長官之短或樂受譖者之言則將奈何哉令豈無假故疾病勢必委佐官暫攝而攝者輒變亂其統紀縣道庫賬亦有屬佐廳司掌及有財賦合屬佐廳催督者而佐官輒視為已物不與縣道通融則又將奈何哉吁此當以誠感不當以勢爭以誠

感則禮意必周態白必豫使之自有所不敢為以勢爭則意義日勝警陳日甚或相訐或互中弊有不可勝救者此今所當深戒而早圖者也

御史篇第五

人皆曰御史不可不嚴受賄必懲無赦不知縣之有吏非臺郡家比臺郡之吏有名額有廩給名額視年勞而遞升廩給視名額而差等故人人皆有愛惜已身之意顧懲宦家之心乃若縣吏則不然其來也無名額之限欽定四庫全書

說部
卷七十一上

十

其役也無廩給之資一人奉公百指待哺此猶可也縣官日用則欲其買辦燈燭柴薪之屬縣官生辰則欲其置備星香國綵之類士夫經從假寓館舍則輪次排辦臺郡文移專人追逮則哀金遣發其他貪黷之令誅求科罰何可勝紀嘻彼財何自來哉稍有資產者又孰肯為吏哉非饑寒亡業之徒則驅校弄法之輩非私下盜領官物則背理欺取民財爾愚嘗妄思周官胥徒府史之制有名職廩稍之供是以吏皆廉平俗亦醇厚今時

殊事異縣道財賦煎熬揀過不暇給而暇辦吏俸哉此說殆類談何為令之計者亦不過曰廉以率之耳其身正不令而行常堂供需生辰獻壽等一切罷去我既不科求於吏吏縱未知悔改在我責之可無愧辭然後弄權者必懲犯法者必斥至有稍能任事之人令或倚以為用彼輒妄自誇說謂事無大小是非曲直率由於我汝乞我金若干我令汝事必勝已而果然甚至駕說於本官以為巧取之地吏之溪壑未飽而令之惡聲已彰矣欽定四庫全書

說部
卷七十一上

十一

間有縣令精強者一切不肯任吏吏則廣說道理曲為游揚使而不容不從其言此術又不行則必於令啓處之間自與儕伍私相評議使其語陰入於令之耳令不之察謂其無心之言從而信之而不知已墮其計中矣吏之姦詭萬狀晷不可不深防密察故欲吏之不受賂斷無可行之策但使事事清明人無觀望知吏之不必囑賄之不可行已為政之善矣乃若俗自醇厚吏自廉平非如前所謂循周官之制不可也波流日靡孰挽而

東徒增太息云爾

聽訟篇第六

孔子曰聽訟吾猶人也必也使無訟乎人情瀟靡機事橫生已難使之無訟惟盡吾情以聽之而已縣道引詞類分三八始至之日多者數百少者亦以百數令憚其煩遂有展在後次併引者不知省訟固自有道若憚煩拖後積壓愈多雖竭其精神難理矣或謂不拘日子有狀即受可免積壓然縣家事多若日日引詞則訴牒紛欽定四庫全書

說部
卷七十五

十一

委必將自困不若間日一次引詞却將鄉分廣狹分搭遇一則引某鄉狀遇三則引某鄉狀遇五遇七遇九各引某鄉狀不得攙越庶幾事簡易了且彼有一時忿激便欲投詞需日稍久怒解事定必有和勸而不復來者此其當行者一也分鄉定日此止可為常事設若閭閻殺傷水火盜賊不測等事亦俾待次不亦晚乎却如前之說置鑼於縣門之外不以早晚咸得自擊鑼鳴令即引問與之施行若有事情急迫合救應者便與救應合

追捕者便與追捕合驗視者便與驗視却不可因循失

事此其當行者二也詞訟到官類是增撰事理妄以重罪誣人如被毆必曰殺傷索財必曰劫奪入其家必誣以作竊侵墳界必誣以發墓此類真實固有而假此以覲有司之必與追治者亦多要當明立榜文嚴反坐之法須令狀尾明書如虛甘伏反坐六事異時究竟果涉虛偽斷當以其罪罪之則人知畏而不敢飾詞矣此其當行者三也詞訟在官不與結絕所以愈見多事每一次欽定四庫全書

說部
卷七十五

十二

受牒新訟無幾而舉詞者往往居十之七八徒費有司之閱視徒勞人戶之陳請不若先行告示凡有詞在官如易於剖析即與施行但有追會不齊究實未到合聽有司區處不應疊疊陳詞今以兩月為期如兩月之外不覲有司結絕方許舉詞不然並不收理此其當行者四也縣道每有姦狡頑嚚之人專以教唆詞訟把持公事為業先當榜文曉諭使之盡革前非若有犯到官定行勘杖刺環押出縣界必懲無赦凡遇引問兩爭應答

之辭與狀款異此必有教唆把持之人也須與研窮根
勘重實于罰此其當行者五也凡與一人競訴詞內必
牽引其父子兄弟七五人甚至無涉之家偶有宿憾亦
輒指其婦女為證意謂未辨是非且得追呼一擾費耗
其錢物凌辱其婦女此風最不可長令須察其事勢輕
重止將緊要人點追一兩名若婦女未可遽行追呼且
須下鄉審責供狀待其緊急方可引追此其當行者六
也不應為有罪不許因事告事法令昭然而今之為令

欽定四庫全書

說部
卷七十一

十四

者喜聞人家隱微於是告訐之風滋長甚至收人白劄
子見之施行於是愈無忌憚妄行指摘而民無寧居之
日矣此亦合預行榜諭告訐者未問虛實先生坐不應為
罪若狀詞本訴之外因而告首其家隱微者亦勿聽理
併先生罪此其當行者七也引到詞人供責必須當廳
監視能書者自書不能者止令書鋪附口為書當職官
隨即押過其事輕理明不待證會者自可隨手決遣若
涉追證費勘會亦只憑此初供最不可押下案致令胥

曹得以恐脇說誘而使之變易真情此其當行者八也
大凡蔽訟一是必有一非勝者悅而負者必不樂矣愚
民情無知識一時為人鼓誘自謂有理故來求訴若令
自據法理斷造而不加曉諭豈能服負者之心哉故莫
若呼理曲者來前明加開說使之自知虧理宛轉求和
或求和不從彼受曲亦無辭矣此其當行者九也令每
遇決一事案牘紛委憚於徧閱率令吏摘撮供具謂之
事目不知吏受人囑其理長者不為具出而理短者反

欽定四庫全書

說部
卷七十一

十五

為聲說以此斷決多誤不若令自逐一披覽案卷切不
要案吏具單魚勝者固有理而負者亦未嘗無道理可
說特不若勝者之多耳令合先述其是而折其非則負
者雖欲番訴不可得矣此其當行者十也此姑論其大
略若夫隨機應變遇事酌裁神而明之使民宜之則在
賢有司

治獄篇第七

刑獄重事也奸佞惡地也人一入其中大者死小者流

又小者亦杖寧有白出之理脫或差誤胥吏莫恤其咎必屬之令縱可逃陽罰亦必損陰德詎可不知謹哉一曰禁繫必審二曰鞠視必親三曰牆壁必完四曰饑寒必究五曰疾病必察六曰疑似必辨七曰出入必防令每有私忿怒輒置人于園兩爭追會未圓亦且押下佐廳亦時有遺至者謂之寄收長官多事漫不暇省遂致因循淹延不知一人坐獄閨戶抱憂飽煖失時疾病傳染殆有甚可慮之事而又有合共處不合共處者蓋兩

欽定四庫全書

刑部
卷七十一

十五

事若使異牢則有賂者可使獄吏傳狀稿通信息而無賂者必被其害孰若使之共處可以互相察視乎健訟之徒樂入囹圄因得以唆教解變亂情節孰若別處一牢而使之不得與餘囚相近乎羸老之人必察其有無疾病或致沉重徒見費力婦人女子必察其有無娠孕脫有墮墜無以自明此所以禁繫之不可不審也在法鞠勘必長官親臨今也令多憚煩率令獄吏自行審問但視成款僉署便為一定甚至有獄囚不得一見知

縣之面者不知吏逼求賄賂視多寡為曲直非法拷打何罪不招令合戒約推款不得自行訊鞠公事無小大必令躬自喚上詰問再三頑校不伏盡情然後量施笞榜周官有五聽之法亦以獄情難測不可專事筭楚也在法一更三點長官親自定牢今也聽政無暇則委佐官飲酒相妨則委典押不知脫有逃逸各將誰執泥吏輩受賂則雖重囚亦與釋放安寢無賂則雖散禁亦必加之縲紲最不可不躬自檢察昔熊子復宰暨陽日間

欽定四庫全書

刑部
卷七十一

十七

不時趨獄點視夜則置一鈴其索直達寢所夜半掣鈴獄卒應諾否則必罰由是並無不測之處最為可法此所以鞠視之不可不親也今在在州縣獄多有頽牆敗壁不甚完固者固當亟加整葺然重囚姦態萬狀尤宜深防每有獄吏受重囚賂放其自便日間因以飲水為名將水濕壁浸漬泥濕夜深則鎖壁踰牆條然而過吏卒睡熟無由知覺洎覺則追之已無及矣此最利害令當審量罪因輕重重者勿使處近壁之匣牆之上必加

以茨壁之內必夾以板每五日一次躬自巡行相視有
不完處隨加修補戒飭吏卒每夜不可止留一人直更
須要每更輪流兩三人明燭巡視諸牢次早令出廳先詣
獄點名然後僉押文字日以為常牆壁之當完者如此
獄囚合給糧食自當於經費支破有因縣道匱乏而責
諸吏者不知官給尚欲減尅而可使吏供輸乎寧節他
費此不可節也人當日給米二升鹽菜錢十文朝已晚
申立定程式獄子聲喏報覆令躬點視然後傳入其有

欽定四庫全書

說部
卷七十一

十八

家自送飯者當即傳與仍點檢夾帶毒藥刀仗銅鐵器
皿文字之屬春夏天氣蒸鬱須與疎其牕櫺其穢汗
使不至卑濕與濕致興疫癘如稍向寒便當糊飾戶牖
支給綿炭使各得溫暖和適可免疾患饑寒之當究者
如此不幸獄囚有以疾病告者將奈何哉曰此不可不
察也有實病而吏不以告者有未嘗病而吏誣以告者
蓋吏視囚猶犬豕不甚經意初有小病不加審詰必待
困重方以聞官甚至死而後告者若有實之囚吏則令

其詐病巧為數說以覲責出漸為脫免之地此令所當
深察責在推司日具有無疾病申令於點視之際又自
躬加審察如以病告者且與名醫治療日申增減其甚
困頓不可支者然後責令親屬保識前去若必待病重
方始聞官者推吏必宜于罰不然萬一死者接踵憲司
歲計人多令能免咎乎又不幸獄情有疑似而難明者
將奈何乎曰此不可不辨也世固有畏懼監繫觀欲早
出而妄自誣伏者矣又有吏務速了強加拷訊逼令招

欽定四庫全書

說部
卷七十一

十九

認者矣亦有長官自恃已見妄行臆度更輩承順旨意
不容不以為然者矣不知監繫最不可泛及拷訊最不
可妄加而臆度之見最不可恃以為是也史傳所載耳
目所知以疑似受枉而死而流而伏辜者何可勝數諺
曰捉賊須捉賊捉姦須捉雙此雖俚言極為有道故凡
罪囚供款必須事事著實方可憑信不然萬一逼人于
罪使無辜者受枉罰令得無悛於心乎乃若獄門出入
之禁其責專在當日推司監牢嚴行拘督應當日而拋

離不到者有罰吏卒非係在獄而輒入者有罰令自點
察之外許人告訐罪人水火茶飯各須有人監臨事畢
即入元處不得放令閒散逐牢內門無故不得輒開若
家屬傳送茶食不得私令與囚相見吏卒亦不得因而
與之傳遞信息漏泄獄情此皆所當深致其防者也夫
縣獄與州郡不同州郡專設一官故防閑曲盡縣令期
會促迫財賦煎熬於獄事每不暇詳謹罪之小者縣得
自行決遣罪之大者雖必申州而州家亦惟視縣款為
欽定四庫全書

說部
卷七十一

三

之憑據則縣獄豈不甚重而令之任責豈容不曲盡其
心哉故愚於此反覆諄複不嫌於贅

催科篇第八

今之作縣者莫不以催科為先務而其弊有不勝言者
最是鄉胥走弄簿籍漫漶不惟驅督不登縣受郡之責
抑亦逼抑過甚民受官之害通者廷紳泰請以十戶為
一甲一甲之中擇管額多者為首承帖拘催自浙而江
往往行之已徧今不當別為規約止是就此察其弊而

圖其官民兩不相病者為善耳愚常思之去官之病者
為說有三去民之病者為說亦有三其一曰民戶合管
產業籍之于縣縣道合抱稅額籍之于州州視額督趣
縣視產起催此常式也然多有坍塌有逃絕郡雖迫之
縣縣實無可催者官之與吏徒被督責不若先與刷具
事故數目實計若干申州乞差官究實與蠲其額容俟
他時興復仍舊起催仍申省部照會或太守難之令能
於合催財賦盡數趣辦使郡用不至匱乏當亦自能聽
欽定四庫全書

說部
卷七十一

三

從也其二曰起催稅物例是勒逐鄉鄉胥供具合管數
目以憑給引不知鄉胥與富強之家素相表裏有稅未
即具上或不盡具至有每年不曾輸官者却止將善良
下戶先具催數或多科尺寸逼令輸納此只合選稍公
實吏人具出等則先次起催上三等而後徐及四等以
下戶令又自將前兩年產稅簿點看如吏人當具而不
具與夫當催而不催者皆有罰所以不用新造簿而必
用舊簿者防鄉胥為欺也若誅曰升降不等過割不時

畢竟田主雖易而田則未嘗易自可揆究官物之所在如是則無陷失之患其三曰每日催到官錢至夜方有定數已難入庫多是寄留廊頭或公吏處遂至侵貸移易或有止以虛數影過者其法合置兩大櫃且與權行收鎖來早或躬親或委官點數入庫不可因循又須擇家計稍溫行止稍明有親戚保識人充庫子每旬休與之點視及將收支簿歷驅磨其庫壁須用板夾持十分堅固待其欺瞞侵盜之後雖斷刺估籍與夫柳勒衆人

欽定四庫全書

刑部
卷七十一

三

填納亦無及矣此去官之病當爾其一曰甲帖之設本以優役戶今乃以困官戶蓋起催本是戶長之責今官戶不應役者亦承帖催科矣姑置勿論但差甲首之時獎倖尤多有囑者執額雖多乃與分為三數引而常為甲下戶矣無囑者稅額雖少乃與最少下戶同引而常為甲首矣不特先期輸納而甲下十標欲其分給人有居于縣市者有居於外都者安能一一識認其家最為被擾若各隨都分等則分差一等戶止與一等共

甲仍不許將合納數目分作別引其納足乞改付下次者案吏不得遽阻違許執覆將吏料斷其二曰民戶之受害者莫甚於已納重追皆由案吏不相關照鄉胥不與銷豁夫先期樂輸本是畏法而點追苛擾與未納同又且呈鈔繳引分外費用人誰肯先輸乎此合責之典吏每日將已納戶名逐項銷豁若泛常引標或見印給者須要典押用保明印子若不時點追令自判押者兼要鄉胥保明即非重追如虛甘罪異時或有以重追訴

欽定四庫全書

刑部
卷七十一

三

者必加罪於保明之人其三曰妄攤之弊尤不可不禁夫官戶輸納多憑幹人鄉戶則憑攬子二稅起催之初係攬幹各於遠處領錢入已輒將移易盜用逮官司催督嚴緊却妄稱已出與某人合係某人抱納將來追會明白之後固自不可逃隱但圖一時且得抵捱數限遂旋措辦而被攤被迫者果何辜哉下戶之頑狡姦猾者計亦出是要須每追到供攤者先責狀附案如虛甘受欺隱官司之罰然後方與追理事果虛妄斷在必懲

此去民之病當爾夫有田則有賦頑猾抵官者誠所當治而善良樂輸者要當與之覆護其大要則合於移割加之意焉蓋產去稅存不可不察民有以出業報者便當開會受業之家割稅歸戶然後却與除退庶幾無泛追無濫罰無推攤抵捱之弊此則正本澄原之地也

理財篇第九

縣自常賦之外一毫不可妄取諸民雖有理財之策奚其施亦惟於酒稅加之意而已酒稅解郡月有常額措

欽定四庫全書

卷七十一

三

辦不及亦懷惴惴之憂況望其餘裕可助縣用哉雖然經理有方亦未嘗不沛然也今之言酒者不過曰官課之所以不行者私酤害之爾貼榜張旗勇逮巷陌鳴鑼拽隊遍走街坊脫有斗升敗獲到官便輒加訊禁繫累月蕩其生理妨其營起率至於饑餓病困之域猶之可也人有私隙者便輒誣以需酤密來首陳意在擾害官司不問虛實輒差弓手輪番數十為羣持仗突入遍搜房室繞打牆園無異於大劫然不知人之所以冒法私

飲者皆由官醞不堪入口我苟留情酒政六物必良其在庫也謹涖漏隱瞞之弊其在店也防夾和尅退之欺酒司之外專差典押吏人各一名任責措置如發賣流通利息增行則典押吏人酒司酒匠皆量支犒賞否則有罰官醞既多且旨誰肯私飲以自速辜故雖權禁不嚴驅之亦不從矣今之言稅者不過曰官額之所以不登者商賈購隱爾於是嚴搜邏之策遣差攔頭弓手等輩於界首攔截動至三數十里之外誅求客旅溪壑亡

欽定四庫全書

卷七十一

三

厭得厚賂則私與放行徑不令其到務商稅不伏予以賂者則被擒到官倍稅之外費用如故猶之可也其所差攔頭弓手又復將帶游手惡少遍走鄉村以捉稅為名打斃人家雞犬搶奪行旅籠仗固有望風畏遁轉相告報取他道而去者矣不知督促之嚴征歛之重是乃驅之使不敢至不若多出手榜四散貼示明諭重征之弊自此革絕照則例合行收稅一貫文者今且權收八百或九百其攔典合千人等費用一切痛革商稅一畢